

# BA FUMANANG DITHOTO HO TSWA KANTLE HO NAHA



## Ya fumanang dithoto ho tswa kante ho naha ke eng?

Motho ofe kapa ofe (lapeng kapa matjhabeng) ya lakatsang ho tlisa dithoto ka hara Afrika Borwa o tlameha ho ingodisa jwalo ka ya fumanang dithoto ho tswa kante ho naha, ho akareditswe le thomellokahare e tswelang ya dintho (CTC).

Moditjhaba ofe kapa ofe ya fumanang dithoto ho tswa kante ho naha (mohlala: motho ka bomong ba hae kapa motho ho ya ka molao) ya lakatsang ho tlisa dithoto ka hara Afrika Borwa o tlameha ho ingodisa jwalo ka ya tlang dithoto ka hara naha, mme a kgethe akente e ngodisitsweng e leng Afrika Borwa pele yena jwalo ka moditjhaba ya tlang dithoto ka hara naha a ka ngodiswa ho tlisa dithoto ka hara Afrika Borwa.

Akente e jwalo 'e ngodisitsweng' e tlameha ho jara boikarabelo bohle ba diketso tsa ya ka sehloohong wa matjhabeng mabapi le ketsahalo efe kapa efe ya kgwebo le Bolaodi ba Thepa Meeding. Ho bona [ka moo dithomello kahare ho naha di sebetsang ka teng, tobetsa mona](#).

Ebang mokopi e le setheo sa matjhabeng:

- O tlameha ho thonya akente e ngodisitsweng e sebedisang DA kapa 185 D;
- Ebang a sa emelwa ke akente e ngodisitsweng e ka hara Afrika Borwa, kopo e tlameha ho fanyehwa ho fihlela setheo sa matjhaba se kgetha akente e ngodisitsweng e dumelletswe; le
- Moo e leng setheo sa molao, khopi e netefaditsweng ya tokomane ya motheo kapa ya setifikeiti sefe kapa sefe se ntshitsweng ho latela dintlha le melao ya naha moo monga laesense kapa motho ya ngodisitsweng ya amohetsweng, ya ngodisitsweng kapa ya ananelwang, a netefatsang kananelo e jwalo e tlamehang ho nyehelwa ka nako ya kopo.

Ditheo tsa matjhaba tse hlekelang morwalo bakeng sa ho feta ka Afrika Borwa ho leba matjhabeng ha di hloke ho ingodisa le Bolaodi ba Meedi.

Ha ho hlokehe tjelele ya tiisetso ka nako ya ngodiso. Le ha ho le jwalo, Bolaodi ba Meedi bo na le tokelo ya ho tla ka tjelele ya tiisetso ho itshetlehlwe maamong a ka bakang kotsi a mokopi.

Akente e ngodisitsweng e kgethilweng ke ya ka sehloohong wa matjhabeng e tlameha ho jara boikarabelo bohle ba diketso tsa ya ka sehloohong wa matjhabeng mabapi le ketsahalo efe kapa efe ya kgwebo le Bolaodi ba Thepa Meeding.

Ya fumanang dithoto ho tswa kante ho naha ya ngodisitsweng o tlameha hore hape a ingodise jwalo ka mosebedisi wa EDI ebang a tla nyehelana ka CCD ya hae ho Bolaodi ba Meedi. Ebang a sebedisa akente e hlekelang e ngodisitsweng ya Bolaodi ba Meedi, ya fumanang dithoto ho tswa kante ho naha kapa ya romellang dithoto kante ho naha ha a hloke ho ingodisa jwalo ka mosebedisi wa EDI.

## Ebe motjha wa ho ingodisa ho ba ya fumanang dithoto ho tswa kante ho naha ke ofe?

Ya batlang ho ba ya fumanang dithoto ho tswa kante ho naha o tlameha ho tlatsa diforomo tsa A185 le DA185.4A1 mme a di fetisetse Diofising tsa Bolaodi ba Meedi tse amehang moo a tlang ho fuwa khoutu ya Bolaodi ba Meedi le ya tse kenang le ho tswa ka naha.

Ditokomane tse tlamehang ho tsamaya mmoho le kopo:

- Bopaki ba aterese ya bodulo, ke hore akhaonto ya hao ya masepala ya metsi le motlakase.
- Khopi e netefaditsweng ya bukana ya hao ya boitsebiso.

Ho tswa ho Mongodisi wa Dikhampani, khopi e netefaditsweng ya e nngwe ya tse latelang:

- Ngodiso ya Koporasi e Kwetsweng;
- Ngodiso ya khampani.

Dikhopi tse netefaditsweng tsa ditokomane tse latelang:

- Mangolo a [VAT, IT, PAYE, SDL, UIF](#) a tswang SARS ho netefatsa dintlha tsa ngodiso ya lekgetho;
- Qeto/tumello kapa bolaodi bo bong moo ho hlokehang;
- Akhaonto ya Telkom le/kapa ya selfounu e sa feteng dikgwedi tse 3 ho netefatsa dintlha tsa boikopanyi.

E nngwe ya tse latelang ho pakahatsa dintlha tsa banka:

- Tjheke e khansetsweng;
- Khopi e balehang le e netefaditsweng kapa ya sethatho ya setlankana sa banka e netefatsang lebitso la motshwari wa akhaonto.

Nomoro ya akhaonto le khoutu ya lekala;

- Lengolo la sethatho le tswang bankeng le nang le letshwao la banka; kapa
- Setlankana sa sethatho sa auto bank.

O tlameha ho ba ka hodimo ho dilemo tse 21 mme a be le atere se ya ho ya ho ile ya RSA.

Ebang kopo ya hao e le ya ho fumana laesense ya polokelo, akgente e hlekelang kapa motloso wa dithoto, ho sebetsa tsena tse latelang:

- Ditefiso tse amehang tse mabapi le kopo; le
- Moo ebang ho lohothwa polokelo, moralo wa polokelo eo e lohothwang.

## **Mokgwa wa ho ingodisetsa ho ba ya fumanang dithoto ho tswa kante ho naha wa lapeng**

- Tlatsa foromo e hlokehang ya kopo le sehlophiso/dihlophiso tse amehang:
  - [DA185 - Application form: Registration/Licensing of Customs and Excise Clients](#)
  - [DA 185.4A1 - Registration Client Type 4A1- Importer](#)
- Romela diforomo tsohle le ditokomanse tsa tshetso ofising e haufi ya tsa Bolaodi ba Thepa Meeding le ya tse kenang le ho tswa ka naha.
- Lefa tsa tjehele ya tiisetso ebang ho hlokeha.

## **Mokgwa wa ho ingodisa ho ba ya fumanang dithoto ho tswa kante ho naha wa matjhabeng?**

Ba fumanang / romellang dithoto matjhabeng le ba tlosang dithoto tse bontilweng ka tshetso ya tsela, ba bitswang 'ba ka sehloohong ba matjhabeng', ba lokela ho ingodisa kapa ho ba le laesense, ho ya ka moo ba amehang kateng, ho tswa ho SARS ka kotloloho ho ba 'ba ka sehloohong ba matjhabeng'. Ka yona nako eo, ba tlameha ho thonya 'akgente e ngodisitsweng' e ka hara Afrika Borwa. Baromelli ba dithoto ka hare le ka ntle ho naha ba tlameha ho emelwa ke 'akgente e ngodisitsweng' ya Afrika Borwa e jarang boikarabelo bohle ba diketso tsa ya ka sehloohong wa matjhabeng mabapi le ketsahalo efe kapa efe ya kgwebo le Bolaodi ba Thepa Meeding. Nakong eo ba ikopanyang le diakgente tsa Afrika Borwa, ba lokela ho hlalisa ditokomane tse netefatsang boitsebiso ba bona mmoho le ditokomane tse loketseng tsa kgwebisano.

## **Ke diforomo le ditokomane dife tse batlehang bakeng sa ho ingodisa ho ba ya fumanang dithoto matjhabeng?**

- [DA 185 - Application form: Registration/Licensing of Customs and Excise Clients](#)
- [DA 185.4A1 - Registration Client Type 4A1 - Importer](#)
- [DA185D - Nomination of Agent](#)

## **Ebe diforomo tsa ho ingodisetsa ho ba ya fumanang dithoto ka ntle ho naha di fumaneha kae?**

Diforomo tsa kopo di fumaneha ka tlase mona kapa ofising efe kapa efe ya tsa Bolaodi ba Thepa Meeding.

## **Ebe diforomo di nyhelwa kae?**

Diforomo tsa kopo di tlameha ho nyhelwa [ofising e haufi ya tsa Bolaodi ba Thepa Meeding](#).